

TSAYA BOTLHANO

Mokgwa wa botshelo o o tlhokomelang e bile o abelana wa thapelo

Tsela e e bonolo e bile e na le bokgoni ya go fitlhelela batho ba ba tlhokang ditshegofatso tsa Modimo mo matshelong a bona.

Seno ke kakanyo e e bonolo e e ka go thusang gore o fitlhelele batho ka molaetsa wa Morena Jesu Mo mafelong a mangwe seno se bidiwa thapelo ya go Efangela. Seno ke tsela e e bokgoni e bile e bonolo e o bakresete ba ka kgonang go fitlhelela ditsala, ba-masika, badiri mmogo kgotsa baagisani.

KGATO YA NTLHA (1) –Tihopa ditsala di le 5 / ba lesika go ba rapelela.

Rapela mme kope Morena maina a le matlhano a ditsala, ba-losika, badiri mmogo kgotsa baagisani ba ba tlhokang ditshegofatso tsa Modimo mo matshelong a bona mme ba tlhoka le go itse go feta ka Morena Jesu mo matshelong a bona.

KWALA MAINA A BONA:

1. _____ 2. _____
3. _____ 4. _____
5. _____

(A seno e seke ya nna molao. Ga o bona e kete batho ba batlhano ba bantsi, simolola ka go rapelela ba le babedi, kgotsa ba le bararo, gontse go siame le fa o batla go rapelela ba le batlhano. Re ne re tsitsinya fela gore o simolole ka go rapelela ba le batlhano.)

KGATO YA BOBEDI (2) – Ba rapelele ditshegofatso di le tlhano, metsotso e le 5- 10 ka letsatsi, bonnyane malatsi a le matlhano ka beke

Ga o ba rapelela, rapelela dilo di le tlhano:

- **Mmele**—pholo, tshireletso, maatla
- **Kwa-ditirong**--- tiro, letseno, tshireletso
- **Maikutlo** ----boitumelo, kagiso, tsholofelo le lorato

- **Botshelo jwa bona**----lorato, lenyalo, dikgolagano tse di siameng le ba lesika, ditsala, baagisani, le kwa tirong
- **Tsa semowa** ----- pholoso, tumelo, boutlwebotlhoko, boitshwarelo, kgolo ya semowa (O ka oketsa dilo dingwe tse o ka di rapelelang, mme simolola ka go dirisa dintlha di le tlhano tse di kailweng fa godimo fa o rapelela batho bale batlhano/ ba lesika.)

Ga o rapelela batho gore ba pholoswe, o ka rapela Modimo gore ka matla le tiro ya Mowa o o Galalelang, batho ba simolole go ipotsa dipotso tse di latelang:

- Nka tshepa mang?
- Morero wa me ke eng mo botshelong?
- Ke tla golosega leng?
- Ke ya kae ga ke tlhokafala?
- Keng ke tlhoile Modimo? Ke eng ke tshabela Modimo?
- Nka tshegetsang jang mathata a me?
- Ke tla bolokega kwa kae? Ke mang yo o ka ntshireletsang?

KGATO YA BORARO (3) - Go kgathalela batho ka go e la tlhoko ditlhokego tsa bona tseo di ba tshwenyang

A o ka dira go feta thapelo? E e! Ga o setse o simolotse go rapelela ba masika ba le batlhano 5/ ditsala, Simolola go lebelela mme o kope Morena gore a tseye dikgato tsa go ba tlhokomela. Mongwe mo go bona a ka tswa a lwala: apaya bogobe / dijo, tsaya bana ba bona o ba ise sekolong, ba tlhatswetse diaparo, Koloji ya mongwe e ka tswa e robegile, ba tsholetse dinao go ya kwa tirong, ba adime koloi. Gangwe le gape ga ba na le tlhoko tota, ithaope go ba rapelela.

KGATO YA BONE (4) - Bolelela batho ka ga Morena Jesu le tshiamo ya Morena

Kgato e e latelang ke go lebelela ditshono tsa “tlhago” go akantshana le go bua ka tumelo ya gago. O seke wa ba pateletsa yona. Latlhela fela temana go tswa mo dikwalong, ba bolelele fela karabo e e bonwang ka go rapela, ithaope go ba rapelela. Ga o ntse o tsweletse go ba rapelela, o ntse o ba tlhokomela, ga botsala bo ntse bo gola, ditshono tse dingwe di tla bulega gore o nne o ntse o nathoganya tumelo ya gago le bona.

KGATO YA BOTLANO (5) - Kgotlhelela bonnye ngwaga

Tiragatso ya dikgato tseno dile tlhano mo botshelong jwa gago jwa thapelo, E tshwanetse go bidiwa MOKGWA WA BOTSHELO O TLHOKOMELANG E BILE O ABELANA WA THAPELO. Ke mokgwa o o bonolo, o o kgonagalang, o o senang matshosetsi wa go Efangela, -- le bana tota ba ka o diragatsa. Ke tsela ya bokgoni e batho ba ka fitlhelelwang ka yona ka Efangedi ya Morena Jesu Keresete.

Ke eng ke tshwanetse go tshegofatsa baagisani ba me?

Modimo o boleetse Aborahame gore o tla mo tshegofatsa mme ditshaba tsotlhe tsa lefatshe di tla tshegofadiwa ka e na (Genese 12:3). Mo go (Numeri 6:24-27), Modimo o ruta Aarone gore a tshegofatse batho jang: A Morena a go tshegofatse, a go boloke, a Morena a go phatsimisetse sefatlhego sa gagwe, a go itshwarele, a Morena a go tsholeletse sefatlhego sa gagwe a go nee kagiso. Mo go Johane 1:16, re rutwa gore mo go Morena Jesu re amogela bopelotlhomogi mo godimo ga bopelotlhomogi. Mo go Genesi 1, re buisa gore, e rile Modimo a sena go tlhola lefatshe lotlhe, A le tshegofatsa. Modimo o rata go tshegofatsa batho, gape o eletsa gore ba tshegofale. Dipalopalo di supa gore go feta diperesente dile 98 tsa batho botlhe ba eletsa gore ba rapelelwe gore Modimo o ba tshegofatse.

O ka rapela jang dithapelo tse di tshegofatsang?

O ka, (A) Bua tshegofatso mo bathong. (Sekao, Ke go tshegofatsa ka Leina la Morena Jesu) kgotsa.....

(B) O ka kopa Modimo go tshegofatsa batho. (Sekao, Rara, ke kopa ka leina la Morena Jesu gore o tshegofatse X X) Ba tshegofatse ka leina la Morena Jesu. O ba rapelele boitshwarelo le boutlwebotlhoko jwa Modimo.

Sekao sa thapelo e e tshegofatsang:” A Morena a go tshegofatse a go boloke, a Morena a go phatsimisetse sefatlhego sa gagwe, a go itshwarele, a Morena a go tsholeletse sefatlhego sa gagwe, a go nee kagiso! A bo a bee leina la gago jalo mo Ba-Iseraeleng, mme nna ke tla ba tshegofatsa , (Numeri 6:24-27). Rara, ke kua leina la gago mo go X Y: mo tshegofatse gape o mo boloke gompiono. Morena mo phatsimisetse sefatlhego, o mo boloke, Rara, araba dithapelo tsa gagwe o mo fe kagiso e e tswang mo go wena.

Dikarolo tse dingwe tsa dikwalo tsa dithapelo tsa ditshegofatso:

- A go bakwe Modimo, Rra Morena Jesu Keresete, Morena wa rona, o o re tshegofaditseng ka masego otlhe a mowa mo legodimong ka Keresete. (Baefeso 1:3)
- A boutlwebotlhoko jwa Morena Jesu Keresete, le lerato la Modimo, le kabelano ya Mowa o o Galalalang di nne le lona lotlhe. (2 Bakorinthe 13:14)
- A bopelotlhomogi jwa ga Jesu Keresete Morena wa rona bo nne le lona. (1 Bakorinthe 16:23)
- Mme Modimo wa me o tla lo abela tsotlhe tse lo di tlhokang ka fa khumong ya o na mo kgalalelong e e mo go Keresete Jesu. (Bafilipi 4:19)
- Mme a Modimo wa kagiso ka osi o le itshepise gotlhe ; a mewa ya lona le maphelo a lona le mebele ya lona di bolokwe, e nne tse di itekanetseng, di sena molato mo go tleng ga Morena wa rona Jesu Keresete. O na, o o lo bitsang o a ikanyega, o bile o tla dirafatsa. (1 Bathesalonika 5:23-24)

Ke eng se, e le tsela e e atlegileng?

- Ga se batho botlhe ba o ba nang le neo ya go Efangela, mme rotlhe re ka rapela, tota le batho bao ba sa kgoneng go ka buela kwa ntle, ba o ba fitlhelang gole bokete go ka bua le batho ba bangwe ka tumelo ya bona.
- Seno ke tsela e e senang matshosetsi ya go rapelela batho, go aga botsalano le batho ka tsela e e siameng le go simolola go ba thalosetsa ka ga Jesu.
- Batho ba le bantsi ba sa ntse ba kgatlhegela go utlwa o ba bolelela ka ga Jesu, fela ba batla o ba tlhokomela e bile o ba rata. Ditiro tsa rona di kaya bogolo go feta seo re se buang.

Mokgwa o o rapelang ka o na

- Rapela ka tumelo - Modimo o oraba thapelo.(Bahebera 4:16; 11:6)
- Ga o rapela , o itse gore ga gona se o se palelang Modimo (Mareko 10:27)
- Rapela ka kutlwelobothoko (Matheo 9:36)
- Kgotlhelela mo thapelong (Luka 18:1)
- Rapela ka pelo e e itshekileng. (Diane 28:9,13)

Rapela le ba bangwe

O ka nna wa rapela o le mongwe, mme go ka nna botoka thata e bile go ka kgothatsa fa o ka bona batho ba bangwe ba o ba ka tsayang karolo eno ya Botlhano ba rapela le wena. O ka nna wa rotloetsa ba lesika go rapela le wena , kgotsa Cell group ya gago e ka go thusa go dira seno kgotsa o ka batla Bakeresete mmogo le wena ba le 2- 3 kwa tirong /sekolong go rapela le wena

Ditemana tsa thapelo

Ditemana dingwe tse o ka di dirisang mo nakong ya gago ya thapelo:

Johane 3:16, Johane 6:63, Johane 6:44, Johane 5:21, Johane 16:8–11,
2 Bakorinthe 10:3–6, 2 Bakorinthe 4:3–4, 2 Petoro 3:9,
Matheo 18:14, 1 Timotheo 2: 3–4.

O gololosegile go ka atisa pampitshana e, o e fetisetse kwa go ba bangwe gonne ga gona dikgato thibelo tsa kgatiso e fe kana e fe.

Jericho Walls International Prayer Network
Private Bag X 22, Lynwood Ridge, 0040, South Africa
Tel. +27-12-365 3213, Fax. +27-12-365 3214,
Prayer Network : info@jwipn.com / www.jwipn.com
24/7 Prayer: info@global24-7.org / www.global24-7.org
TAKE FIVE - TSHWANA
